

Insentif

baru

BU - 6 FEB 1991

bagi

sektor

swasta

KUALA LUMPUR, Selasa — Kerajaan akan menguatkuasakan dasar yang sama seperti yang diamalkan selama ini bagi menjadikan Malaysia sebagai pusat pelaburan utama pengusaha asing, kata Perdana Menteri, Datuk Seri Dr Mahathir Mohamad.

Katanya, kerajaan juga akan mengambil beberapa langkah baru, termasuk memperkenankan beberapa insentif bagi memastikan sektor pelaburan swasta terus kekal selaras dengan pertumbuhan ekonomi dan pembangunan yang menggalakkan.

Pada masa yang sama, beberapa langkah juga akan diusahakan untuk mengekalkan iklim pelaburan kepada sektor swasta ke arah proses pertumbuhan ekonomi.

Dalam ucapan dasar di perasmian persidangan dua hari mengenai Labuan — Pusat Kewangan Persisiran Pantai Antarabangsa (OIFC) di sini hari ini, Datuk Seri Dr Mahathir berkata langkah itu, termasuk menyediakan beberapa peruntukan baru dalam Racangan Malaysia Keenam (RM6).

Peruntukan baru dalam RM6 antara lain akan meningkatkan taraf infrastruktur dan kemudahan sokongan selaras dengan kehendak pertumbuhan ekonomi yang menggalakkan ketika ini.

Beliau berkata kejayaan RM6 berkuatkuasa 1991 hingga 1995 akan bergantung kepada kecergasan kerajaan menyediakan kemudahan tertentu.